

ХОТИН-ҚИЗЛАР ЎРТАСИДАГИ ҲУҚУҚБУЗАРЛИКЛАР
ПРОФИЛАКТИКАСИННИГ ЎЗИГА ХОС ХУСУСИЯТЛАРИ

<https://doi.org/10.5281/zenodo.7878375>

Бекмуродов Фазлиддин Абдурауп Ўғли
ИИВ Академичси З-босқич курсанти, сафдор

Аннотация: Ушбу мақолада хотин-қизлар ўртасида содир этилаётган ҳуқуқбузарликлар турлари, уларнинг сабаб ва шарт-шароитлари, ҳуқуқбузарлик содир қилган хотин-қизларнинг хулқ-автори, психологияси, профилактикасининг моҳияти, унинг ўзига хос хусусиятлари, хотин-қизлар ўртасида ҳуқуқбузарликлар профилактикасининг ташкилий ва ҳуқуқий асослари, профилактикани ташкил этишининг механизми, хотин-қизлар ўртасида ҳуқуқбузарликлар профилактикасининг ташкил этишда вужудга келадиган муаммолар, шунга доир долзарб масалалар таҳлил қилинган, ички ишлар органларининг ушбу соҳасини ривожлантиришига доир таклифлар берилган.

Калит сўзлар: хотин-қизлар ўртасида содир этилаётган ҳуқуқбузарликлар турлари, хотин-қизларнинг хулқ-автори, психологияси, профилактикасининг моҳияти, сабаб ва шарт-шароитлари.

КИРИШ

Аёллар ўртасида ҳуқуқбузарликнингда рўй бераётган ўзгаришлар эркаклар ҳуқуқбузарлиги билан параллел ҳолда бормайди, нисбатан мустақил ҳолда ривожланади. Аммо ҳуқуқбузарлик бир бутун ҳолда ўзини ташкил этувчи қисмларга таъсир кўрсатади. Бу таъсир қарама – қарши алоқани вужудга келтиради. Яъни аёллар ўртасида ҳуқуқбузарликларда рўй берган ўзгаришлар умуман ҳуқуқбузарликлар ва унинг тузилишида ҳам ўзгаришлар рўй беришига олиб келади.

Умуман эркаклар ҳуқуқбузарлигидан фарқ қилувчи аёллар ўртасида ҳуқуқбузарликнинг ҳусусиятлари ҳақида қўйидагиларни айтиш мумкин:

биринчи ҳусусияти шундаки, аёллар сони мамлакатдаги эркаклардан қўп (Республика аҳолисининг 57,2%) бўлишига қарамасдан, аёллар ўртасида ҳуқуқбузарликнинг эркакларникига нисбатан бир неча марта кам ва илгари, ҳам шундай бўлган;

иккинчи ҳусусияти аёллар ўртасидаги ҳуқуқбузарлиқда рўй бераётган ўзгаришлар билан эркаклар ҳуқуқбузарлигидаги ўзгаришлар бир хил эмас. Ўзгаришлар умуман ва айрим ҳуқуқбузарлик турлари бўйича ҳам мос келмайди;

учинчи ҳусусияти – аёллар ўртасида ҳуқуқбузарликнинг ўз тузилишига кўра эркаклар ҳуқуқбузарлигини тақрорламайди ва ундан миқдор жиҳати билангина эмас, балки сифат кўрсаткичларига кўра ҳам фарқ қиласди. Умумий

хуқуқбузарликка аёллар ўртасида хуқуқбузарликнинг асосан ўзига хос бўлган хуқуқбузарлик турларини содир этиш билан ҳисса қўшади. Бу хуқуқбузарликларнинг содир этилиши маълум маънода баъзи вазиятлар, конкрет микромуҳитда, муайян вақтда шаклланган аёлларнинг хулқ – атвори билан боғлиқдир.

АСОСИЙ ҚИСМ ВА ТАДҚИҚОТЛАР

Аёллар ўртасида содир этилаётган хуқуқбузарликларда руй берадиган ўзгаришларни ўрганиш учун биринчи навбатда:

а) аёллар томонидан содир этилган хуқуқбузарликларнинг статистик қонуниятларин;

б) аёл – хуқуқбузарга криминологик тавсиф беришни;

в) аёллар ўртасида хуқуқбузарликнинг тузилишини аниқлаш имконини беради.

Демак, эркаклар ва аёллар ўртасида хуқуқбузарликнинг нафақат ўхшаш томонлари ва фарқларини, балки улар ривожининг йўналиши, ўзига хос ҳусусиятлари ва сифат ўзгаришларни аниқлаш амалий фаолият юритища мухим аҳамиятга эгадир.

Умуман, аёллар ўртасида хуқуқбузарликдаги ўзгаришлар бир хил эмас. Айрим турдаги хуқуқбузарликларни қараб чиқадиган бўлсак, уларни хуқуқбузар аёллар сони:

а) камайган;

б) барқарор қолган;

в) йилдан – йилга қўпайиб бораётган гуруҳларга ажратиш мумкин.

Аёллар ўртасида хуқуқбузарликнинг тузилишида ўғирлик, товламачилик, фирибгарлик, гиёҳвандлик воситаларининг ғайриқонуний муомаласи, одам савдosi, савдо қоидаларини бузиш, фохишаоналар сақлаш, қасддан баданга шикаст етказиш, таносил касалликларини юқтириш кўпчиликни ташкил этади¹⁷.

Аввалги йилларда аёллар томонидан зўрлик ишлатиб, ғараз мақсадларда хуқуқбузарлик содир қилиш жуда озни ташкил этган бўлса, ҳозирда бундай хуқуқбузарликлар аёллар ўртасида хуқуқбузарликнинг тузилишида қўпайиб бормоқда. Бундай хуқуқбузарликлар аёллар томонидан содир этиладиган хуқуқбузарликларнинг 6 % ташкил этади.¹⁸

1897 – йили Халқаро криминалистлар уюшмасининг Гейделбергда бўлиб ўтган съездидаги хуқуқбузарларнинг таснифи қабул қилинган бўлиб, у тенг даражада хуқуқбузар аёлларга ҳам тегишлидир. Ушбу таснифга кўра хуқуқбузарлар қуидагиларга ажратилади:

1) тасодифий, эпизодик хуқуқбузарлар;

¹⁷ Халимов Ҳ.А. Аёл – оила қўрғони. – Қонун ҳимоясида. – 2018. - №8 – Б.34. <http://www.ima.uz>

¹⁸ Абдусаломов М, Каракетов. Ю. Ответственность за вымогательство. –Т., 2017. – с. 7.

2) хулқ – авторида жиддий бекарорлик бўлган ёки бир неча марта хукуқбузарлик содир этган хукуқбузарлар;

3) ашаддий ёки профессионал хукуқбузарлар.

Ч.Ламброзо ҳам ўзининг «Жиноятчи ва фохиша аёл» асарида хукуқбузарлик содир этишда айбдор бўлган аёлларни бир неча типларга ажратади :

1) туғма хукуқбузар аёллар;

2) тасодифий хукуқбузар аёллар ;

3) эҳтиросли хукуқбузар аёллар;

Ламброзо ўз жонига қасд қилган ва чақалоғини ўлдирган аёлларни алоҳида кўриб чиқади, фохишаларни ҳам иккита : тасодифий ва туғма тоифадагиларга ажратади.¹⁹

Биз аёлларнинг агрессив хулқ – авторини инсоннинг эволюцияси жараёнида шаклланган биоижтимоий ҳусусияти ҳисобланувчи нисбатан мураккаб бўлган агрессивлик феномени доирасида кўриб чиқиш кераклиги тўғрисидаги олимларнинг фикрига қўшиламиз.

Шу муносабат билан агрессивликни биологик обьект, жумладан, инсонга ҳам хос бўлган доимий ҳусусият сифатида, агрессияни эса – муайян шароитларда содир этиладиган ҳаракатлар сифатида фарқлаш лозимлигини қайд этиш керак.

Хукуқбузарлар шахсининг умумий типологияси қуйидаги талаблардан ташкил топган:

1.Типология муайян ижтимоий шарт – шароитлардан узилиб қолмаслиги керак.

2.Типология шахсларни бир туркумга бирлаштирувчи мұхим феъл – автор ҳусусиятларини очиб бериши лозим.

3.Типология ҳаётий материалга асосланиши ва алоҳида муайян вазиятларга хос бўлган ҳолатларини тушунтириш учун хизмат қилиши керак²⁰.

Биз ажратган шахс типларининг биринчиси – бу паст «паст малакали» шахсдир.Этиборлиси шундаки, бу типдаги аёллар ғаразли хукуқбузарликларни содир этишга мойил бўлиб, уларнинг тоифалари ҳар хил бўлади. Улар сафига ўғрилик, хўжалик соҳасида ғаразли хукуқбузарликларни содир этувчи жиноячилар ва хизмат вазифаларини ғаразли ниятда суиистеъмол қилувчи хукуқбузарлар ҳамда талон – тарожлик хукуқбузарликларини содир этувчи хукуқбузарларни киритиш мумкин. Булар маънавий, руҳий, психологик ва физиологик жиҳатдан бузилган одамлар, ижтимоий нуқтаи назардан маълум даражада тубанлашган шахслардир. Улар, одатда, спиртли ичимликларни суиистеъмол қилади, хукуқбузарликлар содир этиш билан бир қатор тасодифан учраган ишларни бажарив, кун кечиради , баъзан доимий турар жойга эга бўлмасдан дайдилик қиласи. Бундай шахслар асосан ўзганинг мулкини оз

¹⁹ Ламброзо Ч. Гениальность и помешательство. – 1998. – С. 400.

²⁰ Левитов Н.Д. Психология характера. – М.,2016. – С.300-301.

миқдорда такроран ўғирлаш ҳуқуқбузарликларини содир этади. Жумладан, улар одамлар кўп йифиладиган жойларда (аэропортлар, вокзаллар, мактаблар, болалар боғчалари, қариялар уйлари ва ҳоказоларда) қаровсиз қолган буюмларни ўғирлайди. Бундай шахслар учун жиноий фаолият асосий тирикчилик манбаи бўлиб хизмат қиласи. Бу аёлларнинг кўпчилиги оиласиз, доимий турар жойга эга эмас, таъмагирлик ҳуқуқбузарликлари учун такроран судланган, дайдилик учун ушланган, оналик ҳуқуқидан маҳрум этилган шахслардир.

Ўғрилик ҳуқуқбузарлигини содир этувчи аёлларнинг жиноий хатти – ҳаракатлари анча олдин юзага келади ва аёллар ўртасида ҳуқуқбузарлиknинг ижтимоий жиҳатдан энг тубан тоифасига кирадилар. Ўғрилар катта жиноий тажрибага, ғайриижтимоий хулқа оид шаклланган қарашлар ва қўнималарга эга бўладилар. Уларнинг бу хулқ – атвори барқарор жиноий йўналишга эгалиги билан ажралиб туради. Ўғри аёлларда одатда унинг ҳуқуқбузарлар муҳитига барқарор кириши, илк ёшидаёқ оиласидаги тарбиясининг нуқсонлари, асосий еҳтиёжларининг сурункали равишда қондирилмаслиги, доимо вазиятга тобеълиги билан боғлиқ.

Ўғри аёллар ўзларининг психологик ҳусусиятларига кўра зўравон ҳуқуқбузарларга яқин турадилар. Улар моддий муҳитдаги тўсиқларни енгиш тажрибасига эга бўлиб, талончилик ҳамда босқинчилик содир этишга осон ўтадилар.

Талон – тарожлик ҳуқуқбузарлигини содир этувчилар кўп ҳолларда мансабдор аёллар томонидан амалга оширилиб, порахўрлик, харидорларни алдаш, сифатсиз маҳсулот ишлаб чиқариш, қалбаки ҳужжатлар ясаш, фирибгарлик ва бошқа ҳуқуқбузарликларда намоён бўлади.

Алоҳида тоифадаги ҳуқуқбузар аёлларнинг психологик ҳусусиятлари.

Жиноий хулқ – атвор, жумладан, аёллар жиноий хулқ – атворининг типологик моделларини тузишга қатор қизиқарли тадқиқотлар бағишлиланган бўлиб, уларда ҳар хил шахсий ҳусусиятлар турлича хулқ – атвор мотивларининг шаклланишига олиб келиши қайд этилади.

Профессионал ҳуқуқбузар аёлларнинг иккинчи типини шартли равиша «ғараз мақсадли зўравон» тип деб номлаймиз. Булар, одатда, ёш профессионал ҳуқуқбузар аёллар, алоҳида ҳоларда эса ҳатто вояга етмаган шахслардир²¹. Маълумотларга қараганда, бундай аёлларнинг 45 % ига яқини бир неча марта ҳуқуқбузарлик содир этганига қарамай, муқаддам судланмаган. Мазкур шахс типининг ёш чегаралари 17 – 35 ёш. Ўзига хос ҳусусиятлари: жинсий ҳаёти тартибсиз, маълумоти ва касбий малакасига қарамай, моддий эҳтиёжлари анча баланд. Улар, одатда, эркакларнинг гурухлари таркибида ғараз мақсадларда зўравонлик ҳуқуқбузарликларини содир этади, мазкур гурухларда баъзан

²¹ Мартирисова М.М Преступность несовершеннолетних женского пола, ее причины и организация прелупреждения ОВД // Автореф.дисс.канд. юрид.наук. – М,2018 – С,20.

JOURNAL OF INNOVATIONS IN SCIENTIFIC AND EDUCATIONAL RESEARCH
VOLUME-6, ISSUE-4 (30-APRIL)

етакчи мавқеъга эга бўлади. Мазкур типга мансуб аёллар орасида фохишалар кўп бўлиб, улар жиноий фаолиятда ёрдамчи, далолатчи ёки ташкилотчи вазифасини бажаради. Ҳукуқбузар аёлларнинг мазкур типига гиёҳвандлик воситаларини истеъмол қилиш хосдир.

Барча ғаразли ҳукуқбузарларда умумий асос – ғаразли майлларнинг барқарорлиги мавжуд. Ғараз – энг барқарор, йўқ қилиш қийин бўлган инсоний қусурлардан бири, яъни шахснинг барқарор салбий йўналганлигининг тизим ҳосил қилувчи омил ҳисобланади.

Бу типга мансуб аёллар аввалгиларига қараганда анча тубанлашган, уларнинг хулқ – атворида шавқатсизлик ва принципсизлик, айниқса, кўпроқ намоён бўлади. Улар зўравонлик ҳукуқбузарликларини кўп ҳолларда маданий билим даражаси паст бўлганлиги сабаб содир этадилар. Зўравон ҳукуқбузар аёл шахси (жисмоний куч ишлатиб ҳукуқбузарлик содир этишга мойил шахс) одатда тарбиянинг асосий соҳалари – оила, ўқув юрти, ишлаб чиқариш жамоасидаги камчилик ва нуқсонларни акс эттирувчи паст даражадаги ижтимоийлашув билан ажралиб туради. Ушбу шахснинг мотивацион соҳасига эгоцентризм (худбинлик), жамият вакилларининг бир қисми билан барқарор низолашув ва ўзини оқлашга бўлган интилишнинг мавжудлигидир. Бу ерда, аксарият ҳолларда, алкогол жиноий мақсадни фаоллаштирувчи омил ҳисобланади. Уларнинг эмоционал – психологик ҳолати интеллектуал – иродавий назоратининг заифлиги натижасида импулсив равишда туғиладиган агрессив даъватларни бевосита рўёбга чиқаришга мойиллик билан уйғунликда ички қарама – қаршилиги даражасининг катталиги билан таърифланади.

Аёлларнинг жиноий зўравонлик хатти – ҳаракатлари ўзининг баъзи психологик хусусиятлари билан ажралиб туради. Аёлларнинг зўравонликка асосланган ҳукуқбузарлиги ҳажмига кўра эркакларнидан анча кам. Аёллар хулқи воқеъликнинг айrim ҳодисаларини кескинроқ қабул қилиши, уларга кўпроқ ҳиссиёт билан жавоб бериши, шахслараро муносабатларнинг айrim ҳолатларига каттароқ аҳамият бериши билан ажралиб туради.

Аёллар кескин низоли вазиятларда руҳий шикастланишга кўпроқ мойил бўладилар, улар оиласидаги келишмовчилик ва низоларни кескинроқ ҳис қиласидилар, натижада кўпроқ ҳавотирга тушиб, таҳдид солаётган хавфни бартараф этишга, шунингдек, оиласий ишларнинг кўплиги уларда юқори даражадаги рўҳий зўриқишининг юзага келиши сабабли зўравонлик хусусиятларининг шаклланишига ҳам олиб келади.

Ашаддий зўравонлик ҳукуқбузарликларини содир этувчи аёллар бир қатор шахсий – типологик, психологик хусусиятларга эга бўлади. Булар:

-атрофдаги шахсларни доимо ўзига душман сифатида қабул қилиш;

-энг кичик шахсий муваффақиятсизликлардан ҳаддан ташқари таъсиrlаниш, уларни ижтимоий жиҳатдан мос (адекват) баҳолашга қобилиятсизлик;

- жамиятдан бегоналашганлик (аутиклик);
- ҳиссий жиҳатдан ниҳоятда бекарорлик патологик даражадаги жizzакилик, қасоскорлик, руҳий нотайнлик, кайфиятнинг тез ўзгариши;
- даъвогарлик даражасининг ниҳоятда юқорилиги;
- экстремал вазиятларда бўлишга мойиллик, уларни фаол юзага келтириш;
- ўзини кўрсатишга мойиллик;
- ўзларига хос ҳиссий нуқсонларни доимо яширишга интилиш;

Навбатдаги тип – одатда бир ўзи ёки эркак билан (камдан – кам ҳолларда аёл билан) иштирокчиликда ҳуқуқбузарлик содир этадиган юқори даражада профессионал ўғри ва фирибгар аёллар. Бундай шахслар ҳуқуқбузарликларга пухта тайёргарлик кўрадилар, жабрланувчиларнинг хатти – ҳаракатлари, ҳуқуқбузарлик изларини яшириш ва ҳоказоларнинг мумкин бўлган барча вариантлари назарда тутилади, ҳуқуқбузарлик содир этиш учун қулай жой, шунингдек, ҳуқуқбузарлик қуроли ва воситалари танлаб олинади. Бундай типдаги аёлларнинг ёши 27-50 ёш доирасидadir.

Ёш аёллар кўпинча ҳуқуқбузарликни иштирокчиликда содир этади. Бундай аёлларнинг оиласи одатда бузилган ёки фақат расман сақланиб қолган бўлади. Шахсга хос бўлган хусусиятлар: турли фавқулодда вазиятларга психологик мосланувчанлик лаёқатининг катталиги, ўғрилик ва фиригарликка ихтисослашганлик, ўрта ёки ўрта маҳсус маълумотга, маълум ҳаёт тажрибасига эгалиги билан изоҳланувчи интеллектуал савиянинг нисбатан баландлиги. Бундай аёллар орасида маҳсус рецидивистчиликнинг салмоғи анча каттадир. Бундай ҳуқуқбузарликлар рецидивида зўравонлик ҳуқуқбузарликлари деярли бўлмайди. Ҳуқуқбузарлик содир этиш учун «гастрол»га чиқиш, ҳар хил ўғирлик қилишга мўлжалланган мосламалардан, соҳта ҳужжатлар, пул купюралари ва ҳоказолардан фойдаланиш ҳолатлари кенг тарқалган.

Профессионал ҳуқуқбузар аёлларнинг тўртинчи типини ҳуқуқбузар аёллар орасида «ўғрилар онаси» деб аташ қабул қилинган бўлиб, бу ҳуқуқбузарлик оламида мазкур тоифага мансуб аёлларнинг тутган ўрнини ёрвин ифода этади²². Булар фохишахоналар ва гиёҳвандлик воситалари истеъмол қилувчилар учун бангихоналарнинг сақловчилари, кўшмачилар, ўғрилик моллар ва гиёҳвандлик воситалари сотиб оловчилар ва сотувчиларидир. Бу тоифага мансуб аёл ҳуқуқбузарларни қўлга олиш анчагина қийин ҳисобланади. Уларнинг ғайриижтимоий қарашлари ва ҳаётга мунасабати турғун. Ҳуқуқбузарлик олами вакиллари билан ҳар томонлама, шу жумладан, минтақалараро алоқаларга эга. Бундай аёллар жиной анъана ва удумларнинг фаол тарқатувчилари бўлиб, ёшлар ва вояга етмаганларни ғайриқонуний фаолиятга жалб этади. Уларнинг кўпчилиги, одатда, оиласиз бўлиб, муваффақиятсиз оилавийҳаётнинг муқобили сифатида мана шундай жиной фаолиятни танлаган. Бундай аёллар

²² Габиани А.А. Преступность среди женщин. – Тбилиси, 2016. – С.77.

JOURNAL OF INNOVATIONS IN SCIENTIFIC AND EDUCATIONAL RESEARCH

VOLUME-6, ISSUE-4 (30-APRIL)

киришимли, иродали ва ташкилотчилик қобилиятига эга бўлади. Мазкур типга мансуб аёлларнинг ёши қўпинча ҳолларда 40 – 55 ёш доирасида.

«Оқ ёқалилар» деб номланувчи профессионал ҳуқуқбузар аёллар юқорида қайд этилган ҳуқуқбузар аёллар шахс типларининг энг охиргисидир. Бу ерда моддий ишлаб чиқариш соҳаларида, кредит – молия ва банк тизимларида, савдо ва майший хизмат кўрсатиш соҳаларида ўзганинг мулкини талон – тарож қилиш, мансаб ва хўжалик ҳуқуқбузарликларини содир этишни касбга айлантирган ҳуқуқбузар аёллар назарда тутилади. Улар ижтимоий нуқтаи назардан анча яхши ҳаёт кечиради. Бошқа тип вакилларига қараганда маълумот даражаси анча юқори ва яхши таъминланган, аммо, шу билан бирга, ўз жиноий фаолияти натижасида улар жамиятга энг кўп миқдорда моддий зарар етказадилар. Улар қўпинча уюшган жиноий гуруҳларнинг вакиллари билан бевосита боғлиқ бўлади ёки бундай гуруҳларда фаол иштирок этади. Профессионал жиноий фаолият, хизмат, ишлаб чиқариш ва мансаб ваколатларини бажариш билан чамбарчас боғлиқ бўлиб, ушбу шахс типининг асосий ўзига хос ҳусусиятларидан бири ҳисобланади.

Шахс типлари, ғайриқонуний хулқ – автор моделлари ва унга туртки берувчи сабабларнинг ўз ҳолича бир – бир билан маълум даражада боғлиқлиги, сабаблар даражасида ҳам, муайян жиноий қилмишлар даражасида ҳам аралаш шаклларига эга бўлиши мумкинки, мазкур ҳуқуқбузарликларга қарши кураш, уларнинг олдини олиш чора – тадбирларин ишлаб чиқиши жараёнида, авваламбор, профилактика фаолиятининг турли босқичларида уларни эътиборга олиш керак.

Аёллар ўртасида ҳуқуқбузарликнингни ўрганган тадқиқотчилар қишлоқ жойларида бундай ҳуқуқбузарлик даражаси анча пастлигин илгари ҳам қайд этганлар²³.

Шу, жумладан, ижтимоий муҳитдаги омилларнинг таъсири билан ҳам изоҳланади. Шаҳарда инсоннинг хулқ – автори устидан яқин майший муҳитнинг назорати анча заифлашади, бу эса, табиийки, ғайриқонуний қилмишлар содир этилишини энгиллаштиради. Қишлоқ жойларида шаҳарга нисбатан мустаҳкам ижтимоий алоқаларнинг сақланиб қолганлиги ўз ҳолича ижтимоий назорат элементи бўлиб хизмат қилади ва умумий ижтимоий – психологик ўзаро боғлиқлик билан ҳисоблашишга мажбур қиласи. Ю.Д.Блувштейннинг фикрича, қишлоқ шароитларида шахс ўз хулқ – авторини ўзини қуршаган одамларнинг қарашларига мувофиқлаштиришини онглиликдан ҳам қўра кўпроқ конформизм, яъни муросасизликнинг ифодаси деб билиш керак. Ўзи қўниккан муҳит билан алоқани йўқотгач, қишлоқ аҳолисининг вакили заарли таъсиrlарга жуда осон берилишининг сабаби шу билан изоҳланади. Қишлоқда яшайдиган аёлларнинг жиноий фаоллиги анча паст. Бинобарин, улар томонидан содир этиладиган ҳуқуқбузарликлар доираси ҳам анча тор. Қишлоқда хотин –

²³ Габиани А.А. Преступность среди женщин.- Тбилиси, 1996. – 74 С.

JOURNAL OF INNOVATIONS IN SCIENTIFIC AND EDUCATIONAL RESEARCH

VOLUME-6, ISSUE-4 (30-APRIL)

қизларнинг савдо ва умумий овқатланиш соҳаларида бандлиги билан боғлиқ хўжалик ва хизмат вазифаси билан боғлиқ, шунингдек, ўзганинг мулкини талон – тарож қилиш хуқуқбузарликларидир.

Оила – рўзгор муҳитида қишлоқ аёллари шахсга қарши хуқуқбузарликлар ва ўғриликлар ҳам содир этади, аммо бундай хуқуқбузарликлар жамоатчилик томонидан шаҳардагига нисбатан анча қаттиқ қораланади. Бунинг устига, қишлоқда хуқуқбузарлик содир этган ва озодликдан маҳрум қилиш жазоси тайинланган аёллар озодликка чиққанидан кейин кўпинча уйга қайтиб келмайди, балки бошқа жойларда, асосан шаҳарларда қолади. Бу ўзига хос қонуниятда ҳам ўзига хос мезонларига эга бўлган қишлоқ микромуҳитининг маълум ҳусусияти кўзга ташланади, зотан, мазкур мезонлар, юқоридаги тоифага мансуб аёллар ўзининг аввалги яшаш жэйига қайтиб келишига соф психологик тўсиқ бўлиб хизмат қилади, чунки яшаш жойидаги мустаҳкам ижтимоий – фойдали алоқалар озодликдан маҳрум қилиш тариқасида ўталган жазонинг муддати билан бевосита боғлиқдир. Бундай шароитда орттириладиган салбий қўникмалар ва хулқ – атвор принциплари эса, аёллар тушунчасида, озодликдаги аввалги турмуш тарзига мос келмайди.

Яшаш жойининг аниқ эмаслиги, шахсий тирикчилик ва оилани таъминлаш учун маблағлар етишмаслиги кўпинча бундай шахсларда ҳасадгўйликнинг қучайишига олиб келади, уларни ўзини ва ўз яқинларини қандай қилиб бўлмасин ҳимоя қилишга даъват этади, бунинг оқибатида аёллар баъзан хуқуқбузарликга қўл уришга мажбур бўлади.

Бундай хуқуқбузар аёллар тоифасига яшаш жойи ва иш жойи аниқ бўлмаган шахсларгина эмас, балким муҳим турар жойга эга бўлган, болали аёлларнинг ҳам кириши кўрсатилган.

Юқорида келтирилган профессионал хуқуқбузар аёллар типидан ташқари аёл хуқуқбузар шахсларнинг психологик ҳусусиятларини уларнинг қуидаги тоифалари бўйича ўрганиш мақсадга мувофиқ саналади:

1) *Қотиллик хуқуқбузарлигини содир этувчи хуқуқбузар аёллар тоифаси* Қотиллик хуқуқбузарлигини содир этган аёллар психологияси ҳақида тўхталиб ўтадиган бўлсак, уларда бошқа шахсларга нисбатан ниҳоятда тобеъликни қузатиш мумкин. Қотил аёллар эркин ҳаётга мослашиши қийин бўлган шахслар тоифасига кирадилар.

Тарбияланиш шароитини таҳлил қилиш шуни кўрсатадики, қотиллик хуқуқбузарликлари учун ҳукм қилинган аёллар бир ярим баравар кўп ҳолларда носоғлом шароитларда тарбияланганлар.

Аёлларда қотиллик хуқуқбузарликларининг аксарияти худди эркакларники сингари тўғри қасд билан содир этилади, тажрибанинг кўрсатишича, уларнинг 1/3 қисми аввалдан режалаштирилади. Аксарият қотилликларни 20 – 30 ёшлардаги аёллар содир этишади. Бунда асосан кўпроқ ўз боласини ва турмуш ўртоини ўлдиришади.

Аёлларда қотиллик ҳуқуқбузарликлари ақли расоликни истисно этмайдиган турли нуқсонлар – сурункали алкоголизм, психопатия, бош миянинг органик касалликлари, шизофрения билан боғлиқ ҳолда амалга оширилади.

2) *Террорчилик ҳуқуқбузарликларини содир этувчи аёллар тоифаси.*

Бугунги кунда жамиятимизга хавф солаётган ҳодисалар ичida террорчилик хавфи алоҳида ўрин тутади. Террорчилик энг мураккаб ва хавфли ҳолатларни ўз ичига қамраб олади ҳамда жамиятга катта хавф туғдиради. Террорчилик одамларда ёвузлик ва қўрқувлик ҳиссиётини пайдо қиласди.

Сўнгги йилларда айнан террорчи шахсини ўрганиш психологлар эътиборини тортиб келмоқда. Чунки мураккаб психолог тузилишга эга бўлган террорчи шахсининг психологиясидаги ўзига хосликни ўрганиш унга қарши курашиб муаммосини имкон қадар йенгиллаштиради, деган фикрлар мавжуд. Бироқ ушбу муаммо ҳамон ҳал қилиб бўлмайдиган муаммога айланиб қолмоқда.

Тадқиқодчи олим С. Рошин террорчи шахснинг учта психологик моделини таклиқ этган:

Биринчи модел – психопат-мутаассиб модели. Бу ўзининг эътиқодлари (дений, мафкуравий, сиёсий) га асосланадиган ва ўз ҳаракатлари натижаси қандай бўлишидан қатъий назар, жамият учун фойдали эканига самимий ишонадиган шахс.

Иккинчи модел фрустрациялашган модел бўлиб, бихевиоризмнинг фрустрация²⁴- тажовузкорлик назариясига асосланади. У ёки бу талабларга кўра инсоннинг ўзи учун ҳаётий муҳим мақсадларга йетиша олмаслиги туфайли юзага келган фрустрация ҳисси муқаррар равишда унда тажовузкор ҳаракатларга мойилликни юзага келтиради.

Учинчи модел - носоғлом оиладан чиққан шахс. « Ота – онанинг бола билан шавқатсиз муомалада бўлиши, унинг жамиятдан ажralиб қолиши, яхши муносабатларнинг камлиги ғайриижтимоий майларга эга ғазабнок шахс шаклланишига олиб келиши мумкин.»

Террорчи аёл маълум сабаб ва вазиятлар таъсирида ҳуқуқбузарлик содир этади.

Аёллар ўртасида ҳуқуқбузарлиknинг профилактика фаолиятини ташкил этиш ҳусусиятларини қуйидаги йўналишларда ташкил этиш мумкин:

“Аёллар ўртасида ҳуқуқбузарлиknинг олдини олиш фаолиятини ташкил этишнинг умумий ҳусусиятлари деганда – ҳуқуқбузарликлар профилактикасининг аёллар ўртасида ҳуқуқбузарлиknинг олдини олишни амалга оширувчи, ҳамда унда иштирок этувчи органлар ҳамда муассасаларнинг аёллар ўртасида ҳуқуқбузарлиknингни олдини олиш, ушбу йўналишдаги

²⁴ Изоҳ: Фрустрация (ноиложлик) – ўйлаган режа амалга ошмаганда, кўзланган мақсадга эришмаганда юз берадиган ҳолат.

хуқуқбузарликларнинг содир этилиш сабабларини ва уларга имкон берадиган шарт – шароитларни аниқлаш, бартараф этиш бўйича фаолиятидир”.

П.Н. Тарновская асосан Россиянинг Европа қисми марказида яшовчи 160 нафар одам ўлдирган аёлларнинг шахси ва хулқ – авторини пухта ва муфассал ўрганиб чиқди. Барча хуқуқбузарлар антропологик текширувлардан ўтказилди, кўпчилигининг эса кўриш, эшитиш, ҳид ва таъм билиш, умумий ва оғриқни ҳис қилиш қобилияtlари текширилиб кўрилди. Мазкур аёллар ва уларнинг оиласарининг ўтмишдаги ҳаёти, жумладан, касби, касалликлари, феъл – автор, нимага мойилликлари ва одатлари ҳақидаги маълумотлар, шунингдек, хуқуқбузарлар билан суҳбатлашиш жараёнида олинган психологик маълумотлар тўпланди.

Хуқуқбузар аёллар орасида дайди аёлларнинг салмоғи ҳамиша катта бўлган. Аммо 1991 йил бу қилмиш Жиноят кодексидан декриминализация қилинди. Бу, табиийки, аёллар умумий хуқуқбузарлигининг статистикасида ҳам ўз аксини топди. Хуқуқбузарликнинг статистик кўрсаткичлари яхшиланди, аммо ижтимоий ҳодиса, унинг илдизлари сақланиб қолди. Мазкур ғайриижтимоий ҳодисанинг кескинлигини англаган Ўзбекистоннинг давлат-ҳокимият тузилмалари сўнгги даврда бу йўналишда маълум чоралар кўрилди.

ХУЛОСА

Профилактика инспектори аёллар ўртасида хуқуқбузарликнинг олдини олиш фаолиятини ташкил этишнинг қуидаги хусусиятларига алоҳида эътибор бериши лозим:

-худудда жазони ижро этиш муассасасидан қайтиб келган хуқуқбузарларни аниқлаш ва улар билан якка тартибдаги профилактик чора-тадбирларни амалга ошириш;

-худудда хулқ – автори ғайриижтимоий ҳарактерга эга бўлган аёллар ва қизлар билан махсус тушунтириш ишларини олиб бориш, уларга ижтимоий-психологик ёрдам бериш;

-худудда хуқуқбузарликлар содир этишга мойил бўлган, ўзини тажовузкорлиги билан намоён этаётдиган аёл ва қизларни аниқлаб, уларга нисбатан профилактик хисоб йиғма жилдлари юритишни ташкил этиш;

-ўзининг номуносиб хулқ-автори билан оиласавий жанжаллар келиб чиқишига сабаб бўлаётган аёлларни маҳалла фуқаролар йиғинида бўлиб ўтадиган йиғилишларда муҳокама этиш чораларини кўриш;

-худудда турли ҳил хуқуқбузарликлар содир этаб жазосини ўтаб чиқсан аёлларнинг профилактик ҳисобини юритиш;

-худудда илгари судланган шахсларни аниқлаб, улар билан якка тартибда суҳбатлар олиб бориш чораларини амалга ошириш;

-худудда маъмурий назоратга олинганларнинг профилактик йиғма жилдларини ишлаб чиқиш ҳамда уларга нисбатан ўрнатилган чекловлар ўз вақтида амалга оширилаётганлиги устидан назорат олиб бориш;

-якка тартибдаги профилактик таъсир этишнинг усул ва шакллари бўйича объектга нисбатан қандай таъсир этаётганлиги бўйича мунтазам назорат олиб бориш;

-объектни қизиқтирган саволларига жавоб бериш, мавжуд муаммоларини бартараф этиш ҳамда шу юзасидан ҳуқуқий маслаҳатлар бериш;

-хуқуқбузарликдан жабрланган шахсларга ёрдам кўрсатувчи ихтисослаштирилган муассасаларни ташкил этиш бўйича асослантирилган таклиф ва тавсияларишлаб чиқиш;

-хуқуқбузарликдан жабрланувчи аёлларнинг жисмоний ва психологик хавфсизлгини таъминлашга қаратилган маҳсус комплекс чора- тадбирларни ишлаб чиқиш ҳамда амалга ошириш.

ФОЙДАЛАНИЛГАН АДАБИЁТЛАР РЎЙҲАТИ:

1. Абдурасурова Қ.Р, Ж.С. Мухторов. Аёллар ўртасида ҳуқуқбузарликнинг сабаб ва шароитлари ҳамда профилактикаси. Ўқув қўлланма. Тошкент-2016

Алексеев А.И. Криминология. Учебник. – М., 2002, – С. 103.

2. Абдурасурова Қ.Р, О.Г.Закирова, Ф.М.Мухиддинов, Ш.Х.Алиев, С.Б.Хўжақулов, Б.А.Умирзақов, F.С.Қаршиев. Виктимология: Дарслик // Т, 2021 165 бет

3. Абдурасурова Қ.Р, О.Г.Закирова, Б.А.Умирзақов, F.С.Қаршиев Криминология: Чизмалар алъоми. Т-2020

4. Абдуллаходжаев Г.Т. Предупреждение краж и мошенничества: виктимоло-гические аспекты. дисс. канд.юрид.наук. – Т., 2004. – С. 117.

5. Веретина Ю.А. Изнасилование как вид криминального насилия против женшин // Вестник Волгоградского государственного университета Серия 5: Юриспруденция 2016

6. Мухиддинов Ф.М: Юриспруденция мутахасислиги “Жиноят ҳуқуқи” соҳасининг Виктимология фани бўйича ўқув-услубий қўлланма. Т-2019 й

7. Усманова Д.Р. Внутрисемейное насильтвенное преступление как объект изучения семейной криминологии // Вестник Уфимского юридического института МВД РОССИЯ. 2016

8. Исмаилов И., Миразов Д., Мухторов Ж.С. ва бошқ. // Ҳуқуқбузарликларнинг сабаб ва шароитларини аниқлаш, таҳлил қилиш ва бартараф этиш: Ўқув қўлланма. - Т.: 2017. Б-105.

9. Муҳамедов Ў.Х. Замонавий ёндашув асосида профилактика инспектори фаолиятини ташкил этиш: Ўқув-услубий қўлланма. — Т: Ўзбекистон Республикаси ИИВ Академияси, 2018. — Б. 37.